



履齋詩餘目錄


卷上

沁園春 三首

寶鼎現 一首



書錦堂 一首



賀新涼 一首

暗香 四首

疏影 四首

水龍吟 一首

永遇樂 三首

隔浦蓮 二首

水調歌頭 六首

二郎神 二首

傳言玉女 一首

滿江紅 十八首

念奴嬌 五首

八聲甘州 一首

感皇恩 一首

謁金門 四首

卷下

浣溪沙 七首

海棠春 三首

霜天曉角 九首

蝶戀花 一首

朝中措 六首

虞美人 一首



秋霖

洞仙歌

小重山

醉桃源

青玉案

點絳脣

清平樂

漁家傲

柳梢青

賀聖朝

浪淘沙

賀新涼

鵲橋仙

秋夜雨

庄查子

西河

桂枝香

南鄉子

行香子

秋夜雨

糖多令

南鄉子

訴衷情

水調歌頭

浣溪沙

謁金門

水調歌頭

賀涼新

目錄

履齋詩餘卷上

宋 金陵 吳 潛 毅 父

沁園春 丙辰十月十日

夜雨三更有人歌枕曉簷報晴筭頑雲癡霧不  
難掃蕩青天白日元自分明權植油幢聊張阜  
纛坐聽前騶鼓角鳴君休詫豈宣申南翰成旦  
東征 鴻冥哽噎秋聲正萬里榆闕未罷兵幸  
揚州上督為吾石友荊州元帥是我梅兄約束

鯨鯢莫安鼯鼠更使岵夷海晏清連宵看怕天  
狼隱耀太白沉槍

同前 戊午自壽

笑指顏齡循環雌甲卦數已圓歎蜀公高潔休  
官去歲溫公耆舊入社今年底事崎嶇蒼顏白  
髮猶擁貌貅護海堧君恩重筭何能報國未  
許歸田遙憐宛甸山前正水漲溪肥繫釣船  
縱葵榴花開菖蒲酒美都成客裏爭似家邊寄

語兒曹若為翁壽只把鷗盟更要堅翁還祝願  
櫂槍日靜穉程雲連

同前 己未翠山勸農

二十年前君王東顧詔牧此州念昔時豪傑  
猶難闢闔如今老大却更遲留四載相望平三  
春又半邂逅劭音翹農得縱遊田疇事是桑條正  
長麥含汗音初抽悠悠身世何求筭七十迎頭  
合罷敗音休謾繞堤旌纛牽連鷓擢喧天鼓吹斷



送龍舟翠巘層邊碧雲堆處一擔擔來天外愁  
如何好且同斟綠醕自課清謳

寶鼎現 和韵 己未元夕

晚風微動淨掃天際雲裾霞綺將海外銀蟾推  
上相映華燈輝萬砌看舞隊向梅梢燃畫丹燄  
玲瓏玉藥漸陸地金蓮吐編恰似樓臺臨水  
老子歡意隨人意引紅裙釵寶鈿翠穿夜市珠  
筵玳席多少吳謳聯越吹綉幕捲散繽紛香霧

籠定團圓錦里認一點星練挂也士女桃源洞  
裏聞說舊日京華般百戲燈棚如履待端門  
排宴三五傳宣禁侍願樂事這回重見喜慶新  
開起瞻

聖主齊壽南山勢拱東南百二

畫錦堂 己未元夕

綺縠團成珠璣擲就極目燈火樓臺七子八仙  
三教耍隊相挨管簫笙簧相聞闐遠如聲韻碧

霄來環千炬寶珊絳紗雲球霧袞交加 千里  
人笑樂游妓合脂塵香靄籠街盡道今宵節物  
天與安排晚來風陣全收了夜闌還放月兒些  
休辭醉長願每年時候一樣情懷

賀新涼 丁巳歲壽叔氏

未是全衰暮但相思昭亭數曲水村煙墅只此  
兒兒額上壽尚有時光如許況坎子常交離午  
須信火龍能陸戰更驅他水虎蟠滄浦崑崙頂

時飛度 東皇暮向崑崙過道如今金階玉陛  
待卿闊步猶恐荆人攀戀切未放征帆高舉怕  
公去狐狸嗥舞江漢一詩誰能作者想聲聲讚  
祝明良聚天下久望霖雨

同前

和翁處靜  
桃源洞韻

拍手闌干外想回頭人非物是不知何世萬事  
情知都是夢聊復推遷夢裏也幻出雲山煙水  
白白紅紅雖褪盡儘昌條浪蕩皆春意時可醉



醉扶起瀛洲舊說神仙地  
柰江南猿啼鶴唳  
怨懷如此三五阿婆塗抹  
徧多少殘櫻剩李  
又過雨亭臯初霽  
慚愧故人相問訊  
但一回一見  
蒼顏耳誰念我鷓鴣志

同前再和

宇宙元無外問當年渠綠底  
事強逃人世爭似  
劉郎栽種後長恁元都觀  
裏何用羨武陵溪水  
一見桃花還一笑  
領春工千古無窮  
意見兒女恨

且收起洞中空去聲闊多閑地  
但人間羊腸九

折未能知此我已衰翁  
君漸老那復顛張醉李  
看翻覆雨陰風霽  
睚得清和時候了  
艤扁舟只待歸來耳  
惟處靜解吾志

同前三和

了却兒癡外撰園林亭臺館榭  
謾當吾世紅楯  
朱橋相映帶人在  
百花叢裏更依約  
垂楊襯水  
檜柏芙蓉張桂菊也  
還須收拾秋冬意  
閑坐久

忽驚起 繁華寂寞千年地 便淵明桃源記在  
幾人知 此雙手上還銀菟印 趁得東風行李看  
鄖嶺鄖江澄霽從此歸歟 無一欠但 君恩天  
大難酬耳 嗟倦鳥投林志

同前

和趙丞  
相見壽

雪鬢難重綠 但翛然黃庭境界 抱藏龜六也向  
無何鄉裏去 白墮舟邊漾漾 算種種塵緣都足  
爭那名彊 猶繫絆儘辜猿鶴 雙溪曲時又夏暑

先字設

將溽 虛舟飄瓦何煩歎 柰羊腸千岐萬折近  
來純熟 悵望老仙煙水外 惟把江雲送目想裴  
墅碧梧金竹 安得結廬相近 傍買閑田數畝躬  
耕築已夢斷大槐國

同前

夜來夢遊一所園林臺榭甚飾數羽流  
在焉余與語相酬酢有言詩者有言詞  
者須臾以酒見酌中有一人舉令云各  
和古詞一首且目余云相鞞和葉石林  
睡起流鶯語余素熟此詞成誦遂援筆  
磨之擲筆而寤枕上記憶不遺一字亦



異矣以詞意詳之余三上丐歸之疏君  
父其從欲乎因錄呈同官諸丈恐可為  
佳話云

燕子呢喃語小園林殘紅刺紫已無三數綠葉  
青枝成步障空有蜂旋蝶舞又寶扇輕搖初暑  
芳沼拳荷舒展盡便回頭乳擁宮妝女驚歲月  
能多許家山占斷鳧鷖渚最相宜嵐煙水月  
霧雲霏雨三島十洲雖鐵鑄難把歸舟繫取且  
放我漁樵為與從此細斟昌歎酒況神仙洞府

無邀阻何待結長生縷

同前

因夢中和石林賀新涼并  
戲和東坡乳燕飛華屋

碧沼橫梅屋水平堤雙雙翠羽引雛偷浴倚戶  
無人深院靜猶憶碁敲嫩玉還又是朱櫻初熟  
手拈提爐香一炷黯消魂竚立闌干曲閑轉步  
數修竹新來有箇眉峯感自王姚后魏都褪  
只成愁獨鳳帶鸞釵官樣巧爭柰腰圍倦束謾

困倚雲鬟堆綠淡月簾櫳黃昏後把燈花印約  
休輕觸花燼落淚珠簌

同前

和劉自昭  
俾壽之詞

寶扇驅纖暑又淒涼蒲觴菰黍異鄉重午巧索  
從來無人繫惟對榴花自語也何用謳秦舞楚  
生愧孟嘗攬一日歎三千客汗揮成雨如伯始  
謾台傳循環浩劫無終古但坤牛乾馬抽換  
是長生譜安得牋天天便許歸煉金翁木父問

原本誤

海運爭如穴處一笑流行還坎止算陳陳往事

俱灰土南墅鶴想思主

田文胡廣皆  
生於五日

暗香

猶記己卯庚辰之閒初識堯章于惟揚  
至己丑嘉興再會自此契闊聞堯章死  
西湖嘗助諸丈為殯之今又不知幾年  
矣自昭忽錄示堯章暗香疎影二詞因  
信手酬酢并賡  
潘德久之詩云

曉霜一色正恁時隴上征人橫笛驛使不來借  
問孤芳為誰折休說和羹未晚都付與逋仙吟



筆筭只是野店疎籬樵子共爭席  
寒圃衆籟寂想暗裏度香萬斛  
堆積惱他鼻觀巡索還無  
最堪憶萼綠堂前一笑封老幹  
苔青莓碧春漏也應念我要歸  
未得

疎影

佳人步玉待月來弄影  
天挂參宿冷透屏幃清  
入肌膚風敲又聽簷竹前村  
不管深雪閉猶自繞枝南枝  
北筭平生此段幽竒占壓  
百花曾獨

閑想羅浮舊恨有人正醉裏  
姝翠蛾綠夢斷

魂驚幾許淒涼却是千林梅  
屋鷄聲野渡溪橋

滑又角引戍樓悲曲怎得知  
清足亭邊自在杖

藜巾幅

梅聖俞詩云十分清意足  
余別墅有梅亭扁曰清足

暗香再和

雪來比色對淡然一笑休喧  
笙笛莫怪廣平鐵石心腸為  
伊折偏是三花兩葉消萬古  
才人騷筆尚記得醉臥東園  
天幕地為席回首往事

寂正雨暗霧昏萬種愁積錦江路悄媒聘音沉  
兩空憶終是茅簷竹戶難指望凌煙全碧憔悴  
了羌管裏怨誰始得

疎影

寒梢砌玉把膽瓶頓了相伴孤宿寂寞幽牕  
影橫斜宜松更自宜竹殘更蝶夢知何處只在  
昭亭山北問平生雪壓霜欺得似老枝擎獨  
何事燕脂點染認桃與辨杏枝葉青綠莫是冰

姿改換紅粧要近金門朱屋繁華艷麗如飛電  
但宛轉斷歌零曲且不如藏白收香旋學世間  
邊幅

暗香

儀真去城三數里東園梅花之盛甲天下  
嘉定庚辰辛巳之交余猶及歌酒  
其下今荒矣園乃歐公記君謨書古今  
稱二絕猶憶其詞云高薨巨楠水光日  
景動搖而下上其寬閑深靚可以答遠  
響而生清風此前日之顏垣斷塹而荒  
墟也嘉時令節州人士女嘯歌而管絃  
此前日之晦冥風雨颺颺鳥獸之嗥音



也令人  
慨然

淡然絕色記故園月下吹殘龍笛悵望楚雲日  
日歸心大刀折猶怕冰條冷藥輕點汚丹青凡  
筆可怪底屈子離騷蘭蕙獨前席深院宇更  
寂正月斷古邗暮靄凝積何即舊夢四十餘年  
尚能憶須索梅兄一笑但矯首層霄空碧春在  
手人在遠倩誰寄得未段懷故人

疎影

啗瓊笑玉向畫堂可肯風露邊宿耐凍禁寒便  
瘦宜枯前身莫是孤竹從來不上春工譜夢不  
到沉香亭北筭只消淡影疎香伴箇幽棲人獨  
莫待癡蜂駭蝶倩青女捺住多少紅綠落鴈  
寒蘆翠鳥水枝近傍三閒茅屋

曲想這般夷曠襟懷眇視乾

員坤幅

暗香用韻賦雪

元本空

九垓共色想洛濱劍客吹呼長笛豨豸老松別  
樹平欺爛柯折應是千官鶴舞騰賀表誰家椽  
筆賜宴也內勸宣來真箇是瑤席 休怪巷陌  
寂有一種可人掃了還積悲飢閉戶僵卧袁安  
我偏憶凝望天童列嶂誰大膽偷藏遙碧待問  
信清友看怕難認得

疎影

千門委玉是箇人富貴才隔今宿冒棟摧簷都

未商量呼童且伴庭竹千蹊萬迳行踪滅杳不  
認溪南溪北問白鷗此際誰來短艇釣漁翁獨  
偏愛山茶雪裏放紅艷數朶衣素裳綠獸炭  
金爐羔酒金鍾正好笙歌華屋敲冰煮茗風流  
觀念不到有人洄曲但老農歡笑相呼麥被喜  
添全幅

水龍吟 戊午元夕

十洲三島蓬壺是花錦一團裝就輕車細輦綺



羅香裏夜光如畫朱戶笙簫畫樓簾幙有人回  
首想金蓮燦爛星毬縹緲那風景年時舊  
應念白頭太守怎紅旗六街穿透鋪排玳席追  
陪珠履且醜春耐楚舞秦謳半慵鶯舌疊翻鴛  
袖把千門喜色萬家和氣祝  
君王壽

永遇樂 己未元夕

和氣薰來這般光景管無風雨畫棟朱甍錦坊

繡巷娘子將嫫母星球高挂燈樓趨出良夜正  
消增五遊頭事牙旗鉄馬且還那時郵府  
甘泉見說捷書頻奏漸次不煩鼙鼓雙鳳雲間  
六鼇海上祝讚齊手舞三呼聲裏  
君王萬壽歲歲傳柑笑語便都把昇平舊曲腔  
兒旋補

同前再和

天上人閒這般光景管無風雨綉戶珠簾錦坊

按譜想見句多一字

花巷戲隊將嫫母月扇團圓星球粲爛路遍市  
三街五升平事牙旗鐵馬且還舊家藩府 |  
三陸見說凱歌頻奏漸次不煩鞞鼓雙鳳雲閒  
六螯塵外想見都人歡舞火城春近金蓮地匝  
消夜果邊曾語元宵宰執如今但梅花紙帳睡  
魔欠補

同前

祝告天公放燈時節且收今雨萬戶千門六街

按譜翠竹句多一字

三市綻水晶雲母香車寶馬珠簾翠幙不怕禁  
更敲五霓裳曲驚回好夢誤遊紫宮朱府 |  
沉思舊日京華風景逗曉猶聽戲鼓分鏡圓時  
斷釵合處倩笑歌與舞如今閒院蜂殘蛾褪消  
夜果邊自語虧人殺去聲梅花紙帳權將睡補

隔浦蓮

和葉編修士則韵

蘭橈環城數疊霧雨侵簾箔翠竹交加蒼樹幽  
鳥聲聲如荅葦岸游綠鴨暮山合天際濃雲卷



水周匝 提携一醉濁賢清聖歡洽瀛洲美景  
盡道東南都壓今日愁顏回笑頰飛屣且將萱  
草歸挿

同前

會老香堂  
和美成

扇荷偷換羽葆院宇人聲窈獨步亭臯下闌干  
並樓幽鳥新雨抽嫩草簷花開一片萍鋪沼燕  
雛小 書空底事那堪手版持倒今來古往幾  
見北邙人曉鄉號亡何但日到休覺陶然身世

塵表

水調歌頭

出郊觀水

小隊旌旗出畫鷁倚篙行青秧白水無際中有  
一犁耕聽得田翁相語今歲年時恰好眨眼是  
秋成老子何能解持此報 皇明 望家山千  
里外楚雲平良田二頃非村非郭枕柴局况有  
簷林香透更有楊堤陰合魂夢每宵征已得西  
風起吾亦問前程

同前小憩袁氏園用前韵

老圃無閑鎖放客意中行頗欣天地開閣煙釣  
與雲耕荷長亭翠蓋竹長森翠葆景致鬧  
裝成幾樹榴花發映水色偏明綺樓空金屋  
靜恨難平鼓笙簫笛誰憐冷落暗塵烏回首百  
年人事轉眼幾番今古日邁月俱征且盡一杯  
酒退步是前程

同前夜未月佳甚呈景回自昭二兄戊午八月十八日

過了中秋後今夜月方佳看來前夜圓滿才自  
開些些掃盡烏雲黑霧放出青霄碧落恰似我  
情懷把酒自斟酌脫畧到形骸問渠儂分玉  
鏡斷金釵少年心事不知容易鬢邊華千古天  
同此月千古人同此興不是旋安排安得高飛  
去長以月為家

同前戊午九日偕同官延慶閣過碧沚

重九先去聲三日領客上危樓滿城風雨都住天



亦相遨頭右手持杯滿泛左手持螯大嚼茱菊  
互相酬徙倚闌干角一笑與雲浮望平疇千  
萬頃稻梁收江澄海晏無事贏得小遲留但恨  
流光抹電假使年華七十只有六番秋戲馬臺  
休問破帽已颼颼

同前再用前韵

天宇正高爽更躡最高樓長風為我驅駕極目  
海山頭不用牛山孟浩不用齊山杜牧人景自

堪酬舉酒酌空闊汗與漫為游撚黃花憐白  
首恨難收顏齡使汝能制何待更封留眼底朱  
甍畫棟徃徃人非物是蟋蟀自鳴秋萬里一搔  
首無處着蕭颼

同前喜晴賦

屯結海雲陣奮擊藉雷公忽然天宇軒豁杲日  
正當空照出榴花丹艷映出梔花玉色生意與  
人同閉縱一翻手造化不言功想平疇禾穞

穉黍芄芄老農拍手相問相勞去聲笑聲中辦取  
黃雞白酒戲了山歌村舞等得慶年豐此際尊  
鱸客倚楫待西風

二郎神己未自壽

者希近也是六十五翁生日恰就得端陽艾人  
當戶朱筆書符大吉卦氣周來重新起怕白髮  
蒼顏難必隨見定信緣餐飢眠困喜無啾唧  
盈溢書生做到能高官秩况碌碌兕曹望郎名

郡叨冒差除不一積世主恩滿家天祿婚  
嫁近來將畢還自祝願早懸車里社始為收拾

同前再和

近時厭雨喜午日放開天日不用辟兵符從今  
去也管定千祥萬吉已報甘泉新捷到况更是  
豐年堪必任景物換來蛙鳴蟬噪耳邊嘓唧  
陽溢儘教願乞兵厨開秩看恰好園池隨宜亭  
榭人道瀛洲壓一旦恁浮沉柰何衰悴惟怕牧



之名畢安得去占却三神絕頂瑞芝同拾

傳言玉女已未元夕

衆樂亭前都是鬱葱佳氣越姬吳媛粲珠鈿翠  
珥紅銷粉褪幾許粗桃凡李連珠寶炬兩行綈  
騎自笑衰翁又行春錦綉里禁肴官醞記當  
年宣賜休嫌駝逗且向畫堂頻醉從今開慶萬  
歡千喜

滿江紅

戊午二月十七日  
四明窗賦

芳景無多又還是亂紅飛墜空悵望昭亭深處  
家山桃李柳眼花心都脫換蜂鬚蝶翅難沾綴  
謾相携一笑競良辰春醪美金獸爇香風細  
金鳳拍歌雲膩儘秦簫燕管但逢場爾只恐思  
鄉情味惡怎禁寒食清明裏問此翁不止四宜  
休翁歸未

同前再和

聊把芳樽殷勤勸斜陽未墜吾老矣難從仙客

採丹丘李且趁風光一百五園林尚有殘紅綴  
更怱怱百舌對般春聲能羨鸞釵絆遊絲細  
鴛袖惹香塵膩想吳姬越女踏青總爾爭似江  
南樗櫟社俚歌聲拂行雲裏又枝頭梅子正酸  
時鶯知未

同前戊午二月二十四日會碧泚

樓觀崢嶸渾疑是天風吹墜金屋窈幾時曾貯  
麤桃凡李鏡斷釵分人去後畫欄文砌蒼苔綴

想當年日日醉芳叢侯鯖美春水漲鱗鱗細  
春草暗茸茸膩算留連光景古猶今爾椿菌鳩  
鳴休較計倚空一笑東風裏喜知時好雨夜來  
稠秧青未

同前碧泚月湖四用韻

一笑相携且休管兔升烏墜那更是可人賓客  
未饒崔李金叵羅中醪醖瑩玉玲瓏畔歌珠綴  
望湖光一片浸韶光真雙美雲絮襞能纖細



雲綵聚能粘膩料出山歸岫等閑間爾碧沚風  
流人去後石牕景物春深裏筭却鄆客夢幾驚  
殘吹猶未

同前

二園花卉僅有海  
棠未謝五用韻

問海棠花誰畝戀未教飄墜真箇好一般標格  
娉梅奴李怯冷擬將蘇幕護怕驚莫把金鈴綴  
望銅梁玉壘正春深花空美非粉飾肌膚細  
非塗澤臙脂膩恐人間天上少其倫爾西子顰

收初雨後太真浴罷微暄裏又明朝楊柳揜清  
明鶻歸未

同前

景回計院行有日約同官數公酌酒于  
西園取呂居仁滿江紅詞對一川平野  
數間茅屋九字分韻以餞行  
色蓋反騷也余得對字就賦

把手西園有山色波光相對金馬客明朝飛棹  
水肥帆駛問我年華旬並七異鄉時景春巴二  
最堪憐遊子送行人垂楊外聊小小旌旗隊

聊且且笙歌載正冥濛烟雨許多情態南北枝  
頭猶點綴東西玉畔休辭避待尊鱸歸思動西  
風相携未

同前

蒼雲堂後有桂樹為冬青遮蔽低垂將  
隕矣戊午八月呼梓人為伐而去之賦

斫却凡柯放巖桂出些頭地從此去引風披露  
暢條昌藥待得清香千萬斛且饒老子為知己  
趣今宵新月駕空來浮觴裏 劉安笑淹苜耳

吳猛約何時是想故山深霞翠垂金綴須信人  
生歸去好它鄉未必江山美問釵頭十二意如  
何非吾事

同前

戊午秋半偕胡景回劉  
自昭二兄小飲待月

試問平生幾番見中秋明月今老矣一年緊似  
一年時節底事層陰生障礙不教玉界冰壺徹  
莫姮娥嫌此白頭翁心腸別 風動處浮雲揭  
雲綻霞清光洩倩何人掃蕩大家澄澈且掉悲



歡離合事相逢只怕尊中竭放兒曹今夜上青  
霄探蟾穴

同前戊午八月二十七日  
進思堂賞第二木栖

丹桂重開向此際十分香足最好處雲為幕護  
雨為膏沐樹杪層層如寶蓋枝頭點點猶金粟  
算人間天上更無花風流獨玉壇畔仙娥簇  
玉梁上仙翁掬歎吾今老矣兩難追逐休把淹  
留成感慨時間賞翫時間福怕今宵芳景便凋

零高燒燭

同前戊午九月七日  
碧江和制幾韻

歲歲重陽何曾是兩般時景人自有悲歡離合  
晦明朝暝日月湖邊來往艇樓臺水底參差影  
又何妨時暫狎滄波輕鷗並閑頓放朱門靜  
新結叢朱簾整儘百年人事移場換境欲挿黃  
花身已老強傾綠醕心先醒羨游魚有釣不能  
收鈎空餅

同前 鄭園看梅

安晚堂前梅開盡都無面萼依舊是鐵心老子  
故情堪託長恐壽陽脂粉汙肯教摩詰丹青摸  
縱沉香為榭綵為園難安着 高節聳清名邈  
繁李俗麤桃惡但山樊輩行可來參錯六出不  
妨添羽翼百花豈願當頭角儘暗香踈影了平  
生何其樂

同前

再用韻  
懷安晚

猶記長安共攀折瓊林仙萼人已去年年梅放  
怨懷誰託和靖吟魂應未醒補之畫手何能摸  
更堪憐老子此時來愁難着 雲晝晚烟宵邈  
春欲近風偏惡早闌干片片飄零相錯邂逅聊  
拚花底醉遲留莫管城頭角且起居魏衛國夫  
人聞安樂

同前

戊午十二月八日  
賦後園早梅

問訊江梅漸推出紅苞綠萼堪愛霧平生懷抱



歲寒為託瘦骨皺皮猶老硬孤標獨韻難描摸  
怕東君壓住等春來鞭先着止渴事風煙邈  
和羹事風波惡想翠禽啁哳笑它都錯爭似花  
開顏醉玉月天更引霜天角便一年強作十年  
人山中樂

同前

上巳後一日即事

寒食清明歎人在天涯海角饒錦繡十洲裝就  
只成離索歲去已空鶯燕侶年來儘負鷗鳧約

想南溪溪水一篙深孤舟泊天向晚東風惡  
春向晚花容薄又醪醑架底綠陰成幄舴艋也  
聞鈺鼓開鞦韆半當笙歌樂問山公倒載接籬  
無都休却

同前

巳未四月九日會四明牕

釘聞殘花也隨分紅紅白白綠底事春纔好處  
又成輕別芳草萋迷歸路遠子規更叫黃昏月  
倚闌干觸處是濃愁憑誰說我不厭樽罍挈

君莫放笙歌徹自河南丞相有茲賓客一笑何  
曾千古換半醺便覺乾坤窄怕轉頭天際望歸  
舟江山隔

同前

已未廣李制參  
直翁俾壽之詞

午枕神遊曉雞唱城闕偷度俄頃裏筍輿伊軋  
征夫前路路入江南天地濶黃雲翠浪千千畝  
有皤翁三五喜相迎鄰田父旋策杖尋幽圃  
旋挈榼陳高俎疑此身歸去朱陵丹府布穀數

聲驚夢斷紗窻小陣梅黃雨把人間萬事一般  
看投芳醕

同前

擬卜三椽問何處水迴山曲朝莫景清風當戶  
白雲藏屋更得四時瓶貯酒未輸一品腰圍玉  
待千章手種木成陰周遮綠且休帶陶令菊  
也休羨子猷竹筭百年一夢誰榮誰辱喚客烹  
茶閑話了呼童取枕閑眠足但晨鄉一炷謝天



公時豐熟

同前

和劉右司長  
翁俾壽之詞

回首家園竹多屋水還多竹那更是千峯凝翠  
一溪凝綠多謝故人相問訊奚奴步步收珠玉  
嘆暮林飛鳥也知還尋歸宿 徧歷了岳與牧  
亭過了官與祿算平生萬事儘無不足爭柰乞  
身猶未可只緣欠種清閑福想瞿硎仙子亦相  
思山之奧

念奴嬌

詠白蓮用  
寶月韻

一般妙質笑樂天誇詫小蛮樊素萬柄參差羅  
翠扇金隊西方靚女不假施朱也非塗碧所樂  
去惟幽浦神仙姑射筭未合共游處 一任冶  
妓穠姬採蓮歌裏盡是相思苦花氣荷馨清入  
骨長傍銀河東注月澹風輕霧晞煙細忽灑霏  
微雨此時心事美人澤畔停竚

同前再和

為嫌塗抹向萬紅叢裏澹然凝素非粉非酥能  
樣別只是凌波仙女隋沼濃粧漢池冶態爭似  
滄浪浦淨鷗潔鷺有時飛到佳處 夢繞太華  
峯巔與天一笑不覺躋攀苦十丈藕船游汗漫  
何惜浮生孤注午鼓驚回依然塵世撲藪踈牕  
雨起來寂寞倚欄一餉愁竚

同前三和

白蘋影裏向何人可話平生心素月魄冰魂凝

結就猶薄湘妃洛女吳沼芙蓉陳陂菡萏散入  
玄珠浦採花蜂蝶霧深都忘去聲歸處 堪笑並  
帶霞冠雙頭醜臉只為多情苦空遣隔江游冶  
子撩亂心飛目注同出泥涂獨標玉質不是曼  
陀雨風清露冷有人長自遲竚

同前四和

天然皜質想當年此種來從大素一點紅塵都  
不染羅列蟾宮玉女色壓蒼林香欺蘭畹肯向



聞箏浦靄龜千歲有時游漾其處 應念社結

廬山翻唾靖節底事攢眉苦紐葉為盤花當盞

有酒何妨頻注太液波邊昆明池上豈必沾金

雨從教同輩為它皦皦疑竚大素國名出荷花

同前

戲和仲殊已未四月二十七日

午飈褪暑向綠陰深處引杯孤酌啼鳥一聲庭

院悄日影偷移朱箔杏落金丸荷抽碧筍景物

挨排却虛簷長嘯世緣茵箬筴籜 休問雪藕

絲蒲珮蘭鈿艾舊夢都高閣惟有流鶯當此際

舌弄笙簧如約短棹雙溪公鋤三徑歸計猶難

託料應猿鶴近來多怨離索

八聲甘州

麋葉編修 俾壽之詞

向鄞江面熟是薰風吹燕麥鳧葵賴 君王洪

福河清海晏物阜人熙想見寧帷使者隨處採

聲詩 羨高禽矰弋離去聲貼天飛飛到蒼雲深

處便歛收毛羽望暮林歸可以人不若剗地掛

征衣且招呼麴生為友對槐陰時唱兩三危今  
宵好如鉤佳月放出光輝

感皇恩

和廣德  
知軍韻

老去最難禁流光似水甲子從頭試指年年生  
日怕被傍人拈起若攀兒額頰齡猶未 方丈  
瀛洲藍溪碧沚轉眼鱸尊便秋意

君王定許整頓江頭行李角巾歸去也休里第

謁金門

枕上聞  
鶻賦

紗牕曉杜宇數聲聲悄真箇不如歸去好天涯  
人已老 歎枕欲眠還覺猶有青燈殘照謾道  
惜花春起早家山千里杳

同前

和趙參謀

停画鷁天外水澄烟碧莫看遨頭人似織今年  
都老色 最苦今朝離夕未卜今年歸日生怕  
晚風銷酒力愁城難借一

同前

和劉制幾



山客野新把朝銜書寫應想江南檣櫓下踏歌  
雞黍社 休問坤牛乾馬大率人生且且聊喚  
玉人斟玉笋莫辭沉醉也

同前 和自昭木香

風韻徹滿架平平鋪雪賈女何郎盟共結睡濃  
香更冽 春去情懷怎說却喜不聞啼鳩月夜  
時來閒蹠屨故園三載別

履齋詩餘卷下

宋 金陵 吳 潛 毅父

浣溪紗 已未元夕

慶賞元宵只願晴天公每事科能平管教簷溜  
便收聲 三市海巡那惜夜九街社火亦爭名  
權將歌酒作工程

同前 和謙山

春岸春風荻已芽推排春事到蘆花只應推上

鬢邊華 投老未歸真左計久陰得霽且舒懷  
紅紅白白有殘葩

同前再用韻

海棠已綻牡丹芽猶有東君向上花不須惆悵  
怨春華 裝綴園林新景物推敲風月舊情懷  
也饒浪蘂與浮葩

同前三用韻

正好江鄉笋蕨芽他鄉却看檐頭花只將蝶夢

付南華 萬事紛紜都入幻一杯邂逅且忘懷  
年年秋卉與春葩

同前四用韻

雨過池塘水長芽放開晴日正宜花十洲三島  
撰繁華 水畔麗人唐客恨山陰佳客晉人懷  
可憐雲蘂與風葩

同前 己未三月二十  
五日賞茶蘂

最好茶蘂白間黃消它蜂蝶採花忙春殘紅粉



厭梳粧 畢卓正思身夜甕劉章底用令秋霜  
今宵幃枕十分香

同前再賦

宮額新塗一半黃  
薔薇空自效顰忙  
澹然風韻道家粧  
可惜今宵無皓月  
尚憐向曉有繁霜  
何妨手撚一枝香

海棠春

已未清明對  
海棠有賦

海棠亭午露踈雨  
便一餉烟脂盡吐  
老去惜花

心相對花無語  
羽書萬里飛來處  
報掃蕩狐  
嗥兔舞濯錦  
古江頭飛景還如許

同前再用韻

嫩晴還更宜輕雨  
最好處欲開未吐  
一點聘梅  
心千古憑誰語  
臉霞暈錦嬌人處  
肯浪逐紅  
圍翠舞銀燭  
莫高燒春夢無多許

同前三用韻

蒼龍天矯停今雨  
正不待雲吞霧吐  
絕笑大夫

松今古閑言語 清光冷艷侵人處 漏月影婆  
娑自舞擬作歲寒人 此願天應許

霜天曉角

和葉檢閱  
仁叔韻

倚花傍月花底歌聲徹 最好月篩花影花月浸  
香奇絕 雙溪秋月潔 桂棹何時發 客裏明朝  
送客多少事且休說

同前

此花此月一段風流徹 更好參橫斗轉更漏斷

人聲絕 有誰秋共潔 籬菊相將發 留取歲寒  
心事待此際向君說

同前

和劉架閣  
自昭韻

杯中吸月桂樹飛瓊屑 莫道胡床老子怕風露  
向淒冽 回首雲蛾折 老大成癡絕 且醉今宵  
光景莫容易向人說

同前

為花問月誰把金瑰屑 猶有殘英賸蘂秋向老



香逾列 且莫都攀折有箇人愁絕縱使姮娥  
念舊星星鬢如何說

同前 和趙教授韻

新詞唱徹字字珠璣屑更有張顛草聖何止是  
成雙絕 金粟如蜚雪掃地為芳席且領諸公  
一笑怕明夜無此月

同前

小山幽徹遍地堆香屑只恐今宵入夢夢到處

魂孤絕 八公頭已雪淮南分半席莫道淹留  
何事且長嘯對佳月

同前 戊午十二月望安  
晚園賦梅上銀燭

梅花一簇花上千枝燭照出靚粧姿態看不足  
詠不足 便欲和花宿却被官身局借問江南  
歸未今夜夢難拘束

同前 己未五月九日老香堂  
送監簿姪歸和自昭韻

夜涼佳月掃盡輕衫熱便欲乘風歸去冰玉界

瓊林闕 不須持寸鐵孤吟風措別且唱東坡  
水調清露下滿襟雪

同前再和

舉杯吸月一洗煩襟熱想見摩訶池上星斗轉  
挂銀闕 金吾傳漏鐵此時滋味別塔砌寒蛩  
聲細携手處人如雪

蝶戀花 和處靜木香

澹白輕黃純雅素一段風流歌枕踈窻戶夜半

香魂飛欲去伴他月裏霓裳舞 消得留春春  
且住不比楊花輕作沾泥絮况是環陰成幄處  
不愁更被紅粧妬

朝中措 和刘自昭韻

春空一鳥落雲千只遣客心酸芍藥牡丹時候  
午牕輕暖輕寒 流光冉冉清樽易倒清鏡難  
看謾道華堂深院誰憐鳳隻鴛單

同前再用韻



可人想見倚庭干嚼句有甘酸休問沈腰潘鬢  
何妨鳥瘦郊寒 時光轉眼兔葵燕麥又是看  
看誰念衰翁衰處春衫晚際尤單

同前三用韻

楊花撩亂與雲干春事可悲酸况是雨荒院落  
江南但有春寒 鶯殘燕爛蜂慵蝶褪謾等閒  
看不是無情描藐奚奴且放安單

同前四用韻

夜來夢繞宛溪干啼鴉夢中酸過了宅鄉寒食  
白鷗剗地盟寒 雲溪雨壑月臺風榭借與人  
看得似野僧無繫孤藤杖底挑單

同前五用韻戲呈

蘭皋徹夜樹旄干戰渴望梅酸想有歌姬半臂  
更深自可鏖寒 敲門寄曲驚回蝶夢旄去  
燈看壇下已收降將火牛不用田單

同前

老香堂和  
劉自昭韻

衰翁老大脚猶輕  
行到淨涼亭近日方憂多雨  
連朝且喜長晴  
謾尋歡笑翠瀉杯滿金縷歌  
清况有蘭朋竹友柳詞賀句爭鳴

虞美人

和刘制幾舟  
中送監簿韵

東風催客呼前渡  
宿鳥投林暮欲歸  
人送得歸人萬疊  
青山罗列是愁城  
誰家臺榭當年築  
芳艸垂楊綠雲深  
霧暗不須悲只緣  
盈虛消息少人知

宋初注

秋霽

己未六月九日  
雨後賦

堦砌吟蛩正竹外蕭蕭雨  
驟風駛涼浸桃笙暑  
銷葵扇借伊一些秋意  
枕邊茉莉漏塵奩貯香  
能膩也不用玉骨冰肌  
人伴佳眠尔誰信此  
境漸入華胥曠然不知  
莊蝶誰是笑邯鄲羈兔  
客夢貪它榮貴暫時裏  
飛鼠撲灯還自墜展轉  
驚寤纔听平禁鼓三敲  
夜聲寥閤又般滋味

同前再和





深碎藥殘萼都收歸簟枕誰道梳橐敢就月  
邊偏愛惜冰玉肌膚應對姮娥共搔首疑怪得  
中原訛道天花胡塵後可堪懷舊且海國浮沉  
醉花心喜近日烽烟漸消亭候

同前 三用韻

冠兒徧簇那時人銷瘦玉笋瓊危勸君酒是清  
涼境界露濕烟凝香更重非是沉檀合就四  
牕花滿砌爭似家山張蟹將肥重回首花亦為  
君憐草木禽魚相思處莫如鄉舊更西風溪蓴  
與江魴想別墅樵漁費它偵候

小重山

己未六月十四日老  
香堂前月臺玩月

碧霄如水月如鉦今宵知為我特分明冰壺玉



界雨三星清露下漸覺溼衣輕  
高樹点流螢  
秋聲還又動客心驚吾家水月寄昭亭  
歸去也  
天豈太無情

醉桃源

東風攔檻西三亭游人步晚晴蜂回蝶轉得能  
輕忽然春意生  
花未老酒須傾勸君休獨醒  
古來我輩最鍾情舉頭百舌聲

青玉案

已未三月六日  
四明聽會客

雙字鐵字宋  
刻之說

流芳只怕春無幾拚夜飲更繞二不用追它歡  
樂事綺牕朱戶燕帷鶯館多少人雙悴  
踏歌  
夢想江南市管春盡扁舟放行李寒食休傾游  
子淚歸去來兮不如歸去鐵定知今是

点絳唇

已未三月末  
澣木香亭賦

岸艤扁舟江南有箇人  
歸老簇新亭沿分付還  
它了凝竚晴空一抹天邊鳥嗟潦倒去多來  
少莫問鍾昏曉

清平樂 和刘制幾

輕輕卻暑只是些兒雨喜看新抽麻與苧  
烟水墅 晚山放出青青是誰斲弄陰晴老子  
何時去也祇應露溼金莖

漁家傲 和刘制幾

每日困慵當午畫出來便解双眉皺  
烟雨岫山翁瘦林泉縱好宅園圃 一見此君  
如話旧玉版老師呼喚候萬立琅玕争劝酒躄

踏久清風收拾归懷袖

同前 再用前韵

偏閱芳園閒半晝殘花尚有榴裙皺  
雲返岫人影瘦可憐身世為它囿 燕子飛來  
還憶旧回頭又是梅黃候且尽一杯昌歎酒凝  
睇久晚風細雨霑衫袖

柳梢青

戊午十二月十五日  
安晚園和刘自昭

綠野平泉古來人事空裏飛花月榭風亭荷漪



蘇石說鄭公家 老梅倚水茶牙人那去得光  
陰似它萬種思量百年倒斷付與殘霞

同前 巳未元夕

好把元宵良辰美景暮暮朝朝萬釵華灯一輪  
明月燕管秦簫 何人怕墜鮫綃有玉鳳金鷲  
繡字雕目下欢娛眼前煩惱只在今宵

賀聖朝 巳未三月六日

捷書夜半甘泉去報天驕膏斧摩空銅壘開流

瞿灑掃清雲霧 樓蘭飛馘焉耆授首謾誇稱  
前古須知開慶太平千載方從今數

浪淘沙

戊午中秋  
和刘自昭

望月眼穿東雲幕千重有时推出賴它風恰似  
玉環猶未竇得恁玲瓏 誰在華山峯一半天  
中君逾五十我成翁未必明年如此夜笑口難  
逢

賀新涼 玩月

字初里

汲水驅炎熱晚些兒披衣露坐待它涼月俄頃  
銀盤從海際推上璇霄壁闕盡散作滿怀冰雪  
萬里河潢收捲去掩長庚弧矢光都滅一大音  
片琉璃揭玉斂搗藥何時歇幾千年陰晴隱  
現團圓虧缺月缺還圓人但老重換朱顏無訣  
想旧日嫦娥心別且吸瓊漿斟北斗儘今來古  
往俱休說香茉莉正清絕

同前

月綻浮雲裏未須與長風掃蕩碧空如水誰在  
冰壺玉界上眇視征蛮戰蟻便弃擲塵寰脫屣  
締葛清冷襟袖冷露華濃暗襲人肌理和酷暑  
爭些氣譙樓漏轉三更二夜沉沉經星緯宿  
音換垣移市萬籟漸生秋意思時節那堪屈指  
奈投老未訓归計矯首高天天不磨忽林梢睡  
鵲驚飛起同一夢我與爾

鵲橋仙 己未七夕



銀河半隱玉蟾高掛已覺炎光向後穿針樓上  
未眠人應自把荷花按揉 雙星縹緲霎時聚  
散肯向鵲橋回首元來一歲一番期却睜得天  
長地久

同前

馨香餅餌新鮮瓜果乞巧千門萬戶到頭人事  
控搏難與拙底無多來去 癡兒妄想夜看銀  
漢要待雲車飛度誰知牛女已尊年又那得歡

娛意緒

秋夜雨

和韵刘制幾立  
秋夜观月喜雨

不嫌天上雲遮月雨來正是雙絕雷公驅電母  
盡收捲十分祥熱 三更又報初秋了少待它  
西風淒冽靈悟話頭莫說且唱飲刘郎一闋靈悟

四明日者自  
號衆推其術

同前

客有知道秋夜為闋也併用其韵

雲頭電掣如金索須臾天盡幃幙一涼恩到骨

正驟雨盆傾欄角 柝笙今夜難禁也 賴醉鄉  
情分非薄清夢何處託 又只是故園籬落

同前再和

單于繫頸須長索 捷書新上油幙盡 沈邊折也  
更底問悲茄哀角 衰翁七十迎頭了 先去自  
來聲利都薄 歸計猶未託 又一葉西風吹落

同前

新已未八月二日  
桃源和韻

吳翁里第還巾角 不妨天地席幙 家僮歸報道

快釀酒休教醕薄 相逢聚散應搔首 且趁時  
一笑為樂人世大都濩落 更莫問是非今昨

同前

西風半入孤城角 人生歸燕巢幙倦 翁衰甚也  
又不是官卑祿薄 收繩捲索今番穩儘 一丘  
一壑足樂 還是遠空雁落 報宛句溪光猶昨

同前

晚來小雨鳴欄角 又還烟障雲幙 四明牕透盪



按係从東音蔬布厨  
无練字

漸夜永練衫輕薄 候蟲但要吟教苦不管人  
老欠歡樂閑看燭花燼落浮世事轉頭成昨

生查子

已未八月二日  
四明窗和韵

坐臨芳沼邊荷氣侵衣溼唧唧暗蛩鳴点点流  
螢入 人生歧路中辰用揚朱泣一咲倚欄干  
頽玉當風立

同前

夜來雲氣浮帶得香烟溼萬籟本無情一一秋

聲入 須臾離合閒應笑兕曹泣新雨漲鄞江  
明日桅檣立

西河

都會地東南盛府堪記蓬萊縹緲十洲中雉城  
擁起凭高一盼大江橫遙連滄海無際 壁衝  
衆山翠倚赤龍白鷁爭繫風帆指顧便青齊勢  
雄萬壘越樓吳沼古難憑興亡都付流水 畫  
堂綺屋錦綉市是洛陽耆旧州里富貴榮華當

世問昔年賀老疎狂何事輕寄平生烟波裏

桂枝香

三年海國又荏苒素秋天淨如沐淒砌寒蛩暗  
語杵聲相續梧桐一葉西風裏對斜陽好箇圖  
簇老香堂畔蒼然古檜無限心曲 嘆石室棊  
方半局便時換人非光景能感千古鷓夷尚恐  
欠些归宿倚空笑把輪雲事付坤牛乾馬征逐  
且巴重九昭亭句溪杖藜巾幅

南鄉子

和韵已未八月十日郊行

野思浩難收坐看漁舟度遠洲蘆葦已雕荷已  
敗風颺桂子颺香八月頭 歸計這回疇猶及  
家山一半秋雖則家山元是客浮休有底歡娛  
有底愁

同前

野景有誰收只在蒼鷗白鷺洲風樹飄搖雲樹  
暗衣颺目斷青天天際頭 壯志世難酬丹桂



紅葉又晚秋多少  
心情多少事都休  
載取江湖一片愁

行香子

開慶己未八月十夜同官小飲題  
迨老堂李直翁制參出示東坡題  
釣臺行香子  
走筆和韻

世事塵輕寵辱何驚不須更問君平一帆客棹  
幾曲漁汀正年華晚露華澹月華明休論烟  
閣莫說雲屏算惟堪瓜種東陵駒陰短景蝸角  
浮名但歲難留身難健鬢難青

秋夜雨

依韻戲  
賦傀儡

腰棚傀儡曾懸索簾牖憑一層幙施呈精妙處  
解幻出蛟龍頭角誰知鮑老從旁笑更郭郎  
搖手消薄歧路難準托田稻熟只宜村落

糖多令

荅和梅府教

鷗鷺水中洲夕陽天際流倚西風底處危樓若  
使中秋無好月虛過了一年秋舉眼望雲頭  
蟾光一線否想孀娥自古多愁安得仙師呼鶴

駕將我去廣寒游

南鄉子 荅和惠計院

黃耳訊初收為說鷗汀與鷺洲爭問主人歸近  
遠颼颼定是登高九月頭 有酒且相醕莫管  
西風滿鬢秋今日是今明日古休休轉首鄞江  
揔別愁

訴衷情 和韻

今宵分破鵲論秋孤客興何悠要向雲中邀月

真箇是獸頭 風陣緊電光流雨聲颼婦娥應  
道未卜明年是樂還愁

水調歌頭 已未中秋無月

今歲月和桂不宥作中秋一年惟此佳節底事  
白教休我已侵尋七袞况復輪囷萬感合恨更  
分愁先自無聊賴雨意得能稠 天柱峯知何  
處老難游癡雲如妬不知弦管可吹不安得風  
姨掃蕩推出團圓月姊便遣桂香浮世事十常



九不使展眉頭

水調歌頭

和晦翁韵 預賦山中樂已未中秋中澣書于老香堂

已是三堪樂 更是百無憂  
山朋溪友呼酒互勸  
復爭酬釣水肥鮮  
鱖鯪採樹甘鮮梨栗  
穠稔一齊收  
樹底飛輕蓋  
溪上放輕舟  
笑鷓夷名已謝  
利還謀  
蛄蠅些小頭角  
何事被渠鈎  
春際鷺翻蝶舞  
秋際猿啼鶴唳  
物我共悠悠  
倚棹明當發  
歸夢落三洲

同前

老子百般足 無事可閑憂  
幾年思返林壑今日願  
方酬潦倒戲衫舞袖  
卽講門槌拍板端的  
這回收  
日月兩浮轂  
身世一虛舟  
想鷓鷯與鴻鵠  
不相謀  
驚鱗萬里深  
逝誰肯更吞鈎  
醉則北窗高卧醒則南園行樂  
莫莫更悠悠  
雲在山中谷月在水中洲

同前

若說故園景何止可消憂買隣誰欲來住須把  
萬金酬屋外泓澄是水水外陰森是竹風月盡  
澆收柳徑荷漪畔灯火繫漁舟且東臯田二  
頃稻梁謀竹籬茅舍牕戶不用玉為鉤新擘黃  
雞肉嫩新斫紫螯膏美一醉自悠悠已得春來  
到蘆笋長沙洲

同前

且盡一杯酒莫問百年憂胸中多少磊砢老去

已難酬見說旄頭星落半夜天驕隕墜玉壘陣  
雲收世運回如此穩泛輞川舟鷗鷺侶猿鶴  
伴為吾謀主人歸也正是重九月如鉤便把三  
程為兩更趲兩程為一尚恐是悠悠傍有漁翁  
道肯負白蘋洲

水調歌頭

處處羊腸路歸路是安便從頭點檢身世今日  
豈非天未論分封邦國未論分符鄉國晚節且



圓全但覺

君恩重老淚忽潜然  
謝東山裴綠野李平泉  
從今許我攀附諸老與齊肩  
更得十年安樂便  
了百年光景不是謾  
歸田謹勿傷離別聊共醉  
航船

浣溪沙

和桃源韻

半餉西風暖換涼  
巖花月魄襯雲裳  
一杯旋擘翠橙香  
舊醞不妨排日醉  
新筍尚可去時嘗

無何鄉裏是吾鄉

謁金門

老香堂和韻

秋已老又是敗荷衰  
草客子安排歸棹了  
回頭煙樹渺  
檀板休教歌杳  
金獸且教香繞  
一醉秋堂秋夜悄  
從它霜漏曉

同前

和韻賦茶

湯怕老緩煮龍芽  
鳳草七盞徐徐撐腹了  
盧家詩興渺  
君豈荆溪路  
杳我已涇川夢繞  
酒與

茶酣人語悄莫教雞聒曉

同前

休怨老更替北邙荒草勘破人生都已了江湖  
歸興渺盤谷深深杳杳曲水弯弯繞繞啼鳥  
空山山更悄鍾昏鍾又曉

水調歌頭

開慶己未秋社維舟逸老堂口占

倚拖秋江澣明日片帆輕從頭點檢身世百事  
已圓成及第曾攀龍首仕官曾居鷓閣衣錦更

光榮若又不知止天道恐虧盈借稱呼遮俗  
眼便歸耕但餘心願朝暮香火告神明一願  
君王萬壽次願干戈永息三願歲豐登四願老  
安樂疾病免相縈

同前奉別諸全官

便作陽關別煙雨暗孤汀浮屠三宿桑下猶自  
不忘情何況情鍾我輩聚散匆匆草草真箇是  
雲萍上下四方客後會渺難憑願諸公皆袞



袞喜通津老夫從此歸隱耕釣了餘生若見江  
南蒼鴉更遇江東黃耳莫惜寄音聲強闕兒女  
淚有酒且頻傾

賀新涼

和惠檢閱惜別

晚打西江渡便擡頭巖城鼓角亂煙深處無限  
珠璣雙手接頗覺奚囊暴富強載日空舟回去  
勸子不須憂百草四周維自着靈鼈柱亘今古  
只如許才州直北還鄉路想山中猿呼鹿嘯

鷺翔鷗舞盡道

只怕顏容非故願

從此耕雲釣雨般

杳但書來時寄

相思句千里

履齋待餘補遺

滿江紅 送李御帶珙

紅玉階前同行事，翻飛引去。湖海上，汀鷗鷺，半帆烟雨，報國無門。  
空自怨，濟時有策，從誰吐。過垂虹亭下，繫扁舟，鯉塘煮酒，拚一醉。  
留君住，款一曲，送君路。遍江南江北，水歸何處，世事悠悠，渾未了年。  
光冉，今如許，試舉頭一笑，問青天，天無語。

又 齊山後春臺

十二年前曾上到，後春臺頂。雙脚健，不煩筇杖，透岩穿嶺，老志  
漸消。狂氣習，重來依舊佳風景。想牧之千載尚神游，空山吟  
山之下，江流永，江之外。淮山暝，中原行處，虎狼豺梗，勾蠹規  
模非淺近。石符事業，真俄頃，固古今宇宙，竟如行，無人省。



水調歌頭 送吳叔永文昌 御選文昌二字

才惜季方去又更別元方驚心天上雙鳳接翅下五國萬里瞿塘烟浪一片昭亭雪月照正相冲夜雨連風聲此意獨傷涼  
係杜鵬牽愁不住攪離腸黃雞白酒吾心歸與動家鄉  
鄉人事務難料世事悠悠難說何處向空蒼肯落見曹侯一笑付滄浪

賀新郎 送吳叔季御郎 御選季字二字

說着成懷楚正塵瓦岷峨灑頰兔嗥狐奔頗牧禁中留不任彈壓征西幕府使一舸月汀烟渚四塞三閩天樣儉同何人自瀾颺路成敗事教今古  
茶蘼為芍春將暮最多情飄零柳絮攢人聲緒屈指秋風吹雁評應試憶西湖

夜雨偶歲月消磨如許上下四方男子志肯臨歧眠思曹語呼大白為君舉

又吳中韓氏滄浪亭和吳夢寬詞 御選題滄浪亭和夢寬詞七字

撲盡征衫氣小黃衫樽思岳杖屨踏用夜事解后山翁行樂處竹似烏衣舊如里歎荒草弄甚歌地百歲光陰如夢影算古今無處都如此何用酒洒見曹侯  
江南自有漁樵隊想家山猿愁鶴怨向人歸未字語寒梅休放盡留取三夜兩蕊待老子領些春意皎風流心自許儘何妨瘦影橫斜水煩翠羽伴醒醉

又 用趙用父左司韻送鄭宗丞 御選題作次韻送鄭宗丞

又是春殘去倚東風寒雲沒日墮紅氣紫莖社鷓秋人不同

踏御選化陽

何處向御選作  
搔首對

儘管吳笙越鼓但髮星、多般萬事惟消彭澤醉也何妨袖  
卷長沙舞身而世只此許 爾干拍手困情緒便明朝蒼烟  
白鷺北山南浦笑指牛橋、畔臥羞幕深、院宇尚趁得柳  
烟夜霧我七山猿鶴忽向何時歸棹雙鶻渚歌一曲恨千  
縷

又寄趙南仲

烟村水洲岸中旌旗獵、送空故人天遠不似沙鷗飛得度  
直到彫鞍側畔但徙倚危欄目斷自古鍾情須我輩况人  
間萬事思量遍傷似雪風如箭 楊州十里珠簾捲想桃  
根桃葉依稀舊家庭院誰把青紅吹到眼知有醉翁局  
段便回首舟移帆轉渺、江波愁未了正淮山日暮雲撩亂

國酒盃倚歌扇

又春感 御選春感二字

笑口誰能我托年、芳情冶思德拋困裏桃杏枝頭春才半  
寒食清明又是但歲月感飛川逝回首秦樓雙燕語到  
如今目斷斜陽外將往事試重記 香羅尚有相思淚笑人  
生新愁易積舊歡難認水上流紅豈寬西還隔關山萬  
里但贏得新來憔悴昨在東風顛狂後想餘芳盡是  
飄零底詞寫就倩誰寄

滿庭芳 春感 御選春感二字

莫、春陰疎、春雨鶉鳩喚起春眠小園人靜獨自倚秋千  
又見飄紅墮雪芳徑裡都是夜鈿年、事困愁困悶挂在



綠楊邊 尋思都遍了功名竹帛富貴貂蟬但身為利  
鎖心被名牽爭似依山倚水數椽外二頃良田無紫綬  
炊粳醴秫長是好夜天

醉江月 梅友

曉來窗外正南枝初放兩度三蕊千古畫風頭上立羞退襟  
袵繁李始射神游嘉陽粧褪色界塵都洗竹扉松戶平  
生所寄聊耳 地笑強說和美此君心事指高山流水隴驂  
傷涼却怕被皂角城頭吹起此畫閣情為他凝碧波月清  
霜裡心聲何事歲寒相誓而已

又 暇日登移樓望揚州於雲烟總領之間寄趙南仲紹明

半空樓閣把江山圖畫一時收拾白鳥孤飛盡處最好

御選調心念奴  
嬌下同

御選題祇寄  
趙南仲四字

暮天秋碧萬里西風百年人事謬倚園干拍滌眸何伴  
揚州烟樹塵 應念老子年來浮名浮利已作空空擲  
三徑才尋歸活計又是飄零為客回首平生驚心雙  
鬢容易成悽惻苦前一笑且由醉帽欹側

聲 慢 和吳夢窗賦梅

撲晴抄暖載酒呼朋素粧東園西園綠萼枝頭兩三  
初破輕寒平生自甘寂寞占冷妝不為人妍林逋去尚影  
疎香暗誰賦其詞 空想故山奇事正烟橫嶺曲月浸溪  
灣香錯桃被那時青子赤圓惟饒夢窗知畫對翠  
禽依約神仙休引角怕征人淚落塞邊

滿庭芳 西湖宣城池園

以上見中興臨州詞選

饒御選化曉



春水浴春山漢之波烟淺草輕籠危樓園檻掠面小東風又是  
飛花落紫芳草暗萬綠成叢閑徙倚百年人事都在畫船  
中 故園無恙否一溪翠竹兩廷蒼松更有魚塘釣有秫地  
春底事塵驅物役空回首社燕秋鴻功名已滿短髮  
分付與青銅

滿江紅 滕王閣

萬里西風吹我上滕王高閣正檻外楚山雲漲楚江濤作何  
處征帆天末去有時沙鳥野鳥沙邊落近蘆花釣暮雨  
撲空來今在昨 秋漸緊添離索天上遠傷飄泊歎十年  
心事悠悠漢之歲月多多人易老乾坤雖大愁難着向黃  
昏新送客魂銷城頭角 以上見陽春白雪

天末詞綜作林杪

御送作雲杪

悠漢詞綜作

休莫御送同

御送歲月作木

葉人易老作

秋漸老 乾坤雖大化江湖滿地

御送調作全奴  
嬌

醉江月

水洲會趙南仲端明 御送意端明二字

紅塵飛騎報元戎小隊踏青南陌雪浪堆邊呼曉度吳楚早  
江分圻歲月驚心風埃眯目相對頭俱白楊花掠亂可憐  
如此春色 誰道燕鶯多情移自認得年時客重  
唱江南腸斷句若我滿傾雪泣盡鼓舟移金鞵人遠  
一晌烟波隔斜陽舟依舊無限悽惻

二郎神

小樓向曉正柳鎖一城烟雨計里干吳山綠羞朱戶曾與子  
宮詞內弄浪逐東風無人管但脈脈歲移年度嗟往  
事未塵彩愁還織怎堪重訴 凝眸問春何事死紅  
亂紫縱杜曲秦川舊家都在誰家青書說與野草

滿御送化半

計御送化記

杜御送化度  
在御送化去



唐米暮雲沈豎一暉自替人等緒珠淚滿衣把寸腸萬  
結在帷深處

鵲橋仙

扁舟乍泊危亭孤嘯目新閑雲千里前山急雨過溪來盡洗  
却人間暑氣暮鴉木末落見天際都是一番一作秋意瘳  
見驀女賀新涼也不道西風又起

青玉案

十年三過蘇臺路還是匆匆去正景流光容易度鷺洲  
鷗渚葦汀蘆岸總是消魂處蒼烟如合斜陽暮付  
南愁人砌愁句為問新愁底許酒邊成醉邊成夢  
夢新前山雨

底御選作跋

南柯子

池水滌新碧桐花駐老紅有人獨倚畫橋東手把一枝楊柳  
驚春風鵲伴游絲蜂粘落蕊空秋千庭院小菴櫺多  
少閒情閒緒兩季中此闕也見陸如句

海棠春

郊行

天涯芳草迷征路還是匆匆春去鳥兔裏光陰驚鳥盡邊  
情緒雲稍霧未淡楊野渡盡是春愁落盡把酒歡斜  
陽小向花間駐以上見詞綜

如夢令

江上綠楊芳草想見故園春好一洞海棠昨夜夢魂飛繞  
曉鴛曉窻外一聲啼鳥

御選作跋

沁園春

十月江南一審春信怕徒玉圃正地連邊塞角聲三弄人思鄉國  
愁緒千般草村墟疏離落程記長間曾卓菴茶甌罷問我  
回吟遠冷沒相看堪憐影落溪南又月午無人更漏三雅  
林幽壑數枝偏瘦已存鼎彝一點微酸松竹交盟雪霜心事  
斷是平生不肯寒林道在倩詩人此去為語湖山

哨遍

染括蘭亭序

晉在永和癸丑暮春初作蘭亭會集眾賢臨峻嶺崇山有茂  
林修竹流水暢幽情縱無管絃且共一觴一詠佳天氣於宇宙之中游  
心騁目此娛信可樂只念人生相與形骸或一室晤言襟抱開靜躁  
雖殊當其可欣不知老至游倦後何之情隨事改悲相係僥

仰同遺迹往俱成陳矣約境遇遷終期於盡修齡短景  
都能幾湯古換今移時銷物化痛哉莫大生死每臨文帛往一  
真嗟二自悼不能喻於懷筆彭殤身處均耳今之視昔如  
契後視今猶昔故聊叙報時人所述慨想世殊事異後  
之覽者覽斯文將悠然有感於此

以上見歷代詩餘

賀新郎

贈周使唐王

可意人必玉小羞樵輕句沒注林道家裝束長恨春歸無尋  
處全在波明燈掃看治景倡條渾俗比似江梅情有韵更  
臨風對月斜依竹看不足詠不足曲屏半掩春山簇正輕  
寒夜深及睡半欹殘燭標衡九雲光裡夢多在衣裳賸  
覆又只恐銅壺率但試問送人歸去後對一奩夜影垂金粟



賜易新恨難緣 見唐代詩餘

滿江紅 金陵烏衣園

柳帶榆錢又還過清明寒食天一笑倚園羅行滿城笳笛夜  
樹得晴紅紅染遠山過雨青如滴向江南池館有誰來江南  
客 烏衣巷今在昔烏衣事今難覓但見燕子晚烟斜日斜  
撒一春塵土債悲涼勇古英雄迹且芳尊隨分趁芳時休虛  
擲

南柯子

也水滌新碧園花駐老紅有人獨倚畫橋東手把一枝楊柳整  
春風 鵲伴游絲墜蜂粘落蕊空秋千庭院小羞梳多少困情  
緒雨聲中 已上見陸西水詞

滿江紅 兩處甚丹用前韵

瑤瑤圓頭左醉酒右持螯會懷舊處磨東冶劍弄清溪笛中  
和出嶺山是障醉中要捲江無滴這一堆心事總成灰蒼波  
客 歎倦仰成今昔愁易攬歡難覓正平甚遠村居雲殘日  
自笑頻招猿鶴怨相期早混漁樵迹把是非得失與柴枯  
空擲 見景定建康志

水調歌頭 題烟雨樓

有客抱幽獨高立萬人頭東湖千頃占新烟雨幾春秋自有  
茂林修竹不用買花沽酒此樂若為酬秋到天空闊浩氣  
南雲浮 歎吾曹碌碌五年尚遲留陳江亭下長憶閑了釣魚  
舟矧更飄搖身世又更奔騰歲月辛苦復何求咫尺桃源隔

他日撰重游 見五元嘉末志

